



Վ Ճ Ի Ռ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

<<9>> նոյեմբերի 2023թ.

ք. Երևան

Հայաստանի Հանրապետության սնանկության դատարանի դատավոր Ա. Բաբայանս, քննելով սնանկության գործն ըստ դիմումի Անահիտ Ամատունու Ավագյանի (նույնականացման քարտ՝ 001544444, տրված՝ 10.04.2014թ. 009-ի կողմից, հաշվառման հասցե՝ ՀՀ, ք. Երևան, Ռոստովյան փ. 19 շենք, բնակարան 51)՝ կամավոր սնանկության պահանջի մասին

Պ Ա Ր Զ Ե Ց Ի

1. Գործի դատավարական նախապատմությունը

Անահիտ Ամատունու Ավագյանի ներկայացուցիչը դիմում է ներկայացրել դատարան՝ Անահիտ Ամատունու Ավագյանին սնանկ ճանաչելու պահանջի մասին:

Հայաստանի Հանրապետության սնանկության դատարանի 31.10.2023թ. որոշմամբ դիմումն ընդունվել է վարույթ:

2. Դիմումի հիմքերը, դիմողի փաստարկները և պահանջը

Անահիտ Ամատունու Ավագյանի ներկայացուցիչը դիմելով դատարան, հայտնել է, որ պարտապանը ունի վարկային պարտավորություններ <<ՎՏԲ-Հայաստան բանկ>> ՓԲԸ-ի, <<ԳՈՒԴԿՐԵԴԻՏ>> ՈՒՎԿ ՓԲԸ-ի հանդեպ:

Անահիտ Ամատունու Ավագյանի պարտավորության ընդհանուր գումարը կազմել է 2.760.412,08 ՀՀ դրամ:

Խնդրել է Անահիտ Ամատունու Ավագյանին ճանաչել սնանկ:

3. Դիմումի քննության համար էական նշանակություն ունեցող փաստերը

1. Անահիտ Ամատունու Ավագյանի՝ կամավոր սնանկության պահանջի մասին մասին դիմումը և կից փաստաթղթերը:

4. Դատարանի իրավական վերլուծությունը, պատճառաբանությունները**և եզրահանգումները**

Հետազոտելով դիմող Անահիտ Ամատունու Ավագյանի դիմումը և գնահատելով գործում եղած գրավոր ապացույցները, դատարանը եկավ հետևյալ եզրահանգման.

<<Սնանկության մասին>> Հայաստանի Հանրապետության օրենքի 5-րդ հոդվածի համաձայն՝ պարտապանը սեփական սնանկության ճանաչման նպատակով պարտավոր է դիմել դատարան, եթե առկա են սույն օրենքի 3-րդ հոդվածի 2-րդ մասի 2-րդ կամ 2.1-ին կետերով սահմանված հիմքերը:

<<Սնանկության մասին>> Հայաստանի Հանրապետության օրենքի 3-րդ հոդվածի 2-րդ մասի 2-րդ կետի համաձայն՝ պարտապանը դատարանի վճռով կարող է սնանկ ճանաչվել սեփական նախաձեռնությամբ՝ (կամավոր սնանկության դիմում) եթե պարտապանի պարտավորություններն օրենքով սահմանված նվազագույն աշխատավարձի երկուհազարապատիկի և ավելի չափով գերազանցում են պարտապանի ակտիվների արժեքը՝ իրավաբանական անձի դեպքում՝ հաշվապահական հաշվառման կանոնների հիման վրա կատարված գնահատմամբ, ֆիզիկական անձի դեպքում՝ գնահատման ստանդարտների հիման վրա կատարված գնահատմամբ (հաշվեկշռային անվճարունակություն): Ակտիվների արժեքի մեջ չի ներառվում այն ակտիվների արժեքը, որոնց վրա օրենքի համաձայն բռնագանձում չի կարող տարածվել:

<<Սնանկության մասին>> Հայաստանի Հանրապետության օրենքի 16-րդ հոդվածի 1-ին մասի համաձայն՝ Պարտապանի կամավոր սնանկության դիմումը վարույթ ընդունելու օրվան հաջորդող եռօրյա ժամկետի ավարտից հետո՝ մեկշաբաթյա ժամկետում դատավորն առանց դատական նիստ հրավիրելու վճիռ է կայացնում պարտապանին սնանկ ճանաչելու մասին, եթե առկա են սույն օրենքի 3-րդ հոդվածի 2-րդ մասի 2-րդ կամ 2.1-ին կետով կամ 5-րդ հոդվածի 2-րդ մասով նախատեսված հիմքերը:

Տվյալ դեպքում Անահիտ Ամատունու Ավագյանը դիմելով դատարան, խնդրել է իրեն ճանաչել սնանկ և դատարանի 31.10.2023թ. որոշմամբ դիմումն ընդունվել է վարույթ:

Պարտապան Անահիտ Ամատունու Ավագյանի պարտավորություններն օրենքով սահմանված նվազագույն աշխատավարձի երկուհազարապատիկի և ավելի չափով գերազանցում են պարտապանի ակտիվների արժեքը, ուստի Դատարանը գտնում է, որ Անահիտ Ամատունու Ավագյանին պետք է ճանաչել սնանկ:

<<Պետական տուրքի մասին>> ՀՀ օրենքի 22-րդ հոդվածի իա) կետի համաձայն՝ դատարաններում պետական տուրքի վճարումից ազատվում են՝ պարտապանը՝ սեփական անվճարունակությունը (սնանկությունը) ճանաչելու համար ներկայացվող հայցադիմումներով:

<<Սնանկության մասին>> Հայաստանի Հանրապետության օրենքի 93-րդ հոդվածի 1-ին մասի համաձայն՝ ֆիզիկական անձին սնանկ ճանաչելու մասին վճռով դատարանն արգելանք է դնում տվյալ անձի գույքի վրա, բացառությամբ այն գույքի, որի վրա օրենքով չի կարող բռնագանձում տարածվել:

Վերոգրյալի հիման վրա և ղեկավարվելով <<Սնանկության մասին>> Հայաստանի Հանրապետության օրենքի 3-րդ, 5-րդ, 16-րդ, 17.1-րդ, 20-րդ, 91-րդ, 93-րդ, հոդվածներով, <<Պետական տուրքի մասին>> Հայաստանի Հանրապետության օրենքի 22-րդ հոդվածի <<իս>> կետով, հոդվածով, Հայաստանի Հանրապետության քաղաքացիական դատավարության օրենսգրքի 188-189-րդ, 191-192-րդ, 367-րդ հոդվածներով

Վ Ճ Ռ Ե Ց Ի

Անահիտ Ամատունու Ավագյանի դիմումը՝ կամավոր սնանկության պահանջի մասին, բավարարել:

Անահիտ Ամատունու Ավագյանին (նույնականացման քարտ՝ 001544444, տրված՝ 10.04.2014թ. 009-ի կողմից, հաշվառման հասցե՝ ՀՀ, ք. Երևան, Ռոստոմյան փ. 19 շենք, բնակարան 51)՝ ճանաչել սնանկ:

Արգելանք դնել Անահիտ Ամատունու Ավագյանին սեփականության իրավունքով պատկանող գույքի վրա, **բացառությամբ այն գույքի, որի վրա օրենքով չի կարող բռնագանձում տարածվել:**

Դատական ծախսերի հարցը համարել լուծված:

Վճիռն օրինական ուժի մեջ է մտնում հրապարակման պահից:

Վճիռը կարող է բողոքարկվել Հայաստանի Հանրապետության վերաքննիչ քաղաքացիական դատարան՝ օրինական ուժի մեջ մտնելուց հետո՝ 15-օրյա ժամկետում:

Վճիռն օրինական ուժի մեջ մտնելուց հետո կամովին չկատարվելու դեպքում, այն կկատարվի դատական ակտերի հարկադիր կատարման ծառայության միջոցով՝ պարտապանի հաշվին:

ԴԱՏԱՎՈՐ՝

ԱՐՄԵՆ ԲԱԲԱՅԱՆ